

1104

Том гөлөсүөс

Коми АССР г. СЫКТЫВМАР
СОЮЗ ПИСАТЕЛЕЙ

КОМИ ГИЗ
1949





ТОМ АВТОРЪЯСЛОН СТИХЪЯС

Коми АССР г. Сыктывкар

СОЮЗ ПИСАТЕЛЕЙ

КОМИ ГОСИЗДАТ

Сыктывкар 1949

н 1104

Комитет АССР-ов
Советской писательской
— С О Ю З —

С О Ю З
Советских писателей
Комитет АССР

№ 19

№
г. Ленинград, Комитет АССР,

ПЕРВОЙЯ ВОСЬКОВЪЯС

Коми художественной литературе тайё борья 3—4
вонас воисны уна выль автор. Кызвыныс на пиысь гижёны
стихьяс, кыдзи и векджык овывлө гижны босьтысьяслөн.
Том авторьяс — сийё унджыкыс неполной средней да
средней школаясса велөдысьяс да велөдчысьяс, техникумьясса
да институтьясса студентьяс, школаясбердса литкружковецьяс.
Гижёны сиджө и интеллигенциялөн представительяс.

Тайё ичөтик сборникас печатайтөма 10 том авторлысь
стихотворениеяс, кодьясөс вөли гижөма 1946—1949 воясө.
Тайё стихьясыс найё творчествоын являйтчөны на первойя
воськовьясөн. Но сы вылө видзөдтөг найё заслуживайтөны
нин читательлысь внимание.

Том авторьяслөн произведениеяс йиджтысьөмаось миян
бурной социалистической строительство пафосөн, наын
воспевайтсьөны советской патриотизм, миян уджалысь
йөзлөн героической самоотверженной удж войнaborca
сталинской пятилетка тыртөм вөсна. Именно основной
мотивнас том поэтыяс творчествоын являйтчө Рөдиналы
благо вылө веськөдөм удж.

Ас чужан муным выльмө миян уджөн,
Удж сетө сыланкывлы кыпид тон.
Став бурторйыс му вылын уджын чужө,
Удж серти миян донъявсьө быд морт.

Б. Палкинлысь тайё кывьяссьө поэё босьтны сборникыслы
дзоньнас эпиграф пыдди. Советской мортөс удж пыр
петкөдлөм — сийё положительнойтор том авторьяс
творчествоын.

Тематика боксянь том авторъяслөн творчествос
ограничёнйджык на. Унджык стихотворениесö гижö-
ма колхозной тема вылö. Тайö, дерт, объясняйтчö сi-
йөн, мый авторъяс медъёна тöдсаёсь колхозной олö-
мөн, колхозной производстоён. Стихъясын омöля на
освещайтчö Коми АССР-са вöрлэдзсыяслөн, сплав-
щикъяслөн, новостройкаясса рабочöйяслөн да мукöд
унапöлс советской труженикъяслөн уджыс. Миян сө-
ветской.олöm зев многогранной, и сийö должен адзы-
ны ассыс отображение художественной литератураын
став озырлуннас, передöвой йöзöс петкöдлömөн.

Сборникö печатайтöm вылö бöрийма том авторъяс-
лысь медбур стихъяссö. Найö жизнерадостнойöсь, кы-
пыдöсь, чуксалöны самоотверженной удж вылö, под-
вигъяс вылö.

Но босьтны кö том гижысыяслысь творчествосö
дзоньнас, то сэнi паныдасьлöны на, дерт, тырмытöм-
торъяс, кызди содержание сетöm боксянь, сiдзи и худо-
жественной качество боксянь. Мукöд дырйи стихъясыс
пассивно-созерцательнойöсь, авторыс любуйтчö олöm-
нас, кызди бокöвой морт, и действительностьыс пет-
кöдлысьсö веркөссяныс. Паныдасьлöны общöй кывъ-
ясөн гижöм стихъяс, кытысь оз тыдавны конкретной
йöз, конкретной делöяс. Эмöсь стихъяс, кодъяс стра-
дайтöны риторичностьён, штампён. Водзö вылö уджын
том авторъяс тайö тырмытöмторъяссö, дерт, бырö-
дасны.

Медым пöртны олömö сийö ыджыд требованиеяссö,
кутшöмъясöс сувтöдiс писательяс водзö ВКП(б)-лөн
Центральной Комитет идеологической вопросъяс кузя
аслас постановлениясын, том авторъяслы кодö уджав-
ны большевистской настойчивостьён да упорствоён,
овладевайтны марксистско-ленинской теорияён, быд бок-

сянь дугдывтөг изучайтны олөмсө, кыпөдны мастерство. Литературной мастерство кузя образецн коми писателяслы лобны русской классикьяслөн да советской писателяслөн замечательной произведенияс. На вылысь и колө велөдчыны.

Гырысьсьесть поэтыас водзын могьяс. Найө долженөсь создайтны вылын идейноста, бур качества художественной произведенияс, кодыас правдивөя петкөдлөны советской обществолысь олөмсө сылөн развитиеын, способствуйтөны развивайтны советской морт характерлысь медбур сторонаяс, воспитывайтөны советской народөс, советской томйөзөс коммунизм сямын.

Ми надейтчам, мый том авторьяс, ас выланыс упорной уджалөмөн, водзө вылө сетасын нөшта бурджык художественной произведенияс и унаөн на пөвстысь воөдчасны тырвийө зрелой писателясөдз, өд найө — миян социалистической содержания национальной формаа коми советской поэзиялөн будущейыс.

Дм. Конюхов.

Коми АССР-са
СОВЕТСКОЙ ПИСАТЕЛЬСКОЙ

— С О Ю З —

С О Ю З
СОВЕТСКИХ ПИСАТЕЛЕЙ
Коми АССР

..... 19

№
г. Сыктывкар, Коми АССР

БОРИС ПАЛКИН

ВОЖДЬЛӨН ПОРТРЕТ

Мый медся буртор вöчö мян ки,
Великöй вождьлы ставсö сям ми.

Поэтсянь вождьлы — медбур сыланкыв.
Салдатсянь — ас му динö верность кыв.

Геологсянь — му пытшкысь аддзöм клад.
Учёнöйсянь — наукаö выль вклад.

Народ кор сьылö Рöдиналысь гимн,
Пöсь радейтöмөн шуö вождьлысь ним.

Вождь йылысь тэчсьö медбур сыланкыв.
Со вышивайтö шöвкөн сиктса ныв

Быд мортлы дона Сталинлысь портрет.
Ныв тайö, кыздз художник, кыздз поэт,

Медьюгыд цветъяс ѳктиг-корсигтыр,
Портретсѳ вождьлысь вышивайтис пыр.

Кор зарни сунис киѳ босьтис ныв,
Звездаѳн ѳзйис вождьлѳн морѳсвыв.

Кор медбѳръяысь сунис вѳчис круг,
Сэк мелі нюмнас нюмдіс бать да друг...

Мем сѳѳкыд висѳтавны том нывлысь
долыдлун,
Но ѳтитор ме паметьын оз вун:

Том ныв кѳть кутшѳм удж вылѳ оз пет,
Век синъяс водзас вождьнымлѳн портрет.

СТАВ БУРЫС УДЖЫН ЧУЖѳ

Ми тѳдам бура: луныс шуда талун,
Но кыкпѳв шуда лоас локтан лун.
Ми ѳнѳсь ставѳн сталинскѳй закалѳн:
Ог первойысь нин венѳй сѳѳкыдлун.

Ас чужан муным выльмѳ миян уджѳн,
Удж сетѳ сыланкывлы кыпыд тон.
Став бурторйыс му вылын уджын чужѳ,
Удж серти миян донъявсьѳ быд морт.

Кыз радейтлывлө бур мам ассьыс кага,
Тэ сідз жө радейт олөм, радейт удж.
Код оз төд уджын подвиг да отвага,
Оз төдлы сійө некор ассьыс шуд.

Удж вылын сьөлөм ломалө мед биөн,
Вөч нөшта славнойөн советскөй мортлысь
ним.

Тэ төдан, кутшөм ыджыд шудным миян,
Ми тэкөд лэптам зданье — коммунизм.

СӨВЕТСКӨЙ АРМИЯЛЫ

Ыджыд, бур слава,
Армия, тэныд, —
Врагьясөс ассьыд
Ставсө тэ венін.

Некор оз куслы
Тайө бур слава, —
Му вылын миян
Медьён держава.

Партия тэнө
Калитіс стальөдз.
Врагьясөс венны
Велөдіс Сталин.

Кытöнi Сталин,
Сэни победа.
Быд бойысь ськöд
Вермысьöн петан.

Тэнад геройяс
Венісны смертьсö.
Рöдина вöсна
Подвиг — бессмертнöй.

Ковмыліс — воин
Танк улö водліс,
Вражескöй танккöд
Асьсö тшöтш сотліс.

Ковмыліс — воин
Вражескöй ДОТ-ысь
Морöснас тупкис
Би пулемётлысь.

Некор оз вунöд
Найöс Отчизна.
Паметь на йылысь
Век кутам видзны.

Ыджыд, бур слава,
Армия, тэныд —
Врагъясöс ставсö
Венін и венан!

ВОДЗЫН МУНЫСЬ ТОМЛУН

Медся водзын мунысь томлун —
Сійӧ мян комсомолным.
Быд том мортӧс быдтӧ сійӧ
Рӧдиналы вернӧй пиӧн:

Медым шонді моз оз куслы
Ас Отчизна дінӧ муслун;
Мед народкӧд уджлысь радлун
Кужим юкны любӧй кадын.

Рӧднӧй му вӧсна быд бойысь
Сійӧ петавліс геройӧн.
Талун сылӧн мирнӧй уджын
Виль бур слава бара чужи.

Ленин знамя улын сійӧ
Чужис чорыд тышлӧн биын.
Мирнӧй стройка вылын талун —
Ордйысьӧмын запеваала...

Му кӧть олӧ уна нэмъяс,
Сӧмын татшӧм славнӧй племя
Некор сы вылын эз овлы.
Комсомол, тэ восьлав водзӧ!

Партия — туй индысь кодзув
Вермёмъясö нуö тэнö,
Сыкөд сьöкыдлунъяс венан!
Öд тэ тöдан миян муын
Коммунизмö быд туй нуö.

АС ЙЫЛЫСЬ МЫЙ МЕ ВИСЬТАЛА?

Кад мунны. Ачым полакодъ,
А мунны колö быть.
Öд райкомол со корöма...
Бюро сэн талун рыт.

Дзик вильöс, комсомольскöйöс,
Мем сетасны билет.
Но сыöдз биография
Сэн юаласны, дерт.

Ас йылысь мый ме висьтала?..
Ме гортын ола век.
Мый „пятьяс“ вылö велöдча,
Öд он жö висьтав сэк?

Öд он жö кут сэн казьтивны,
Кызд босьтчис став отряд
Да школа гөгөр садитис
Том пуяслысь веж сад;

Кыз спортплощадка стрөитім
Крут берег вылө ми,
Кыз зарни шепъяс өктігөн
Эз мудзлы тэрыб ки.

Өд ставыс тайө төдчытөм —
Быд лунся ичөт удж.
А вөчны мыйкө ыджыдөс
Эг удит на, эг куж.

А вокъяс — комсомолецъяс,
Кыз дерзайтөны со:
Му пытшти найө восьтөны
Чудесной туй — метро!

И сэн, көн мусө сывдивны
Эз вермыв шонді жар,
Бур урожайяс быдтөны
И лэптөны выль кар...

Тадз думайтигыр муні ме,
Эг казавлы туйкост,
Со райкомоллөн здание...
Кыз воськовті порог,

Мем пырөмөн тшөтш нюмдісны:
— Лок шойчы, ичөт друг...

Көтө тәдi, мый мем висьтавыны,
Но тәкөтбө эг дзуг...

Мем бара ставон нюмдiсны.
И сувтiс секретарь.
Ме шуом сылысь виччыся —
Друг меным лои жар.

И шуис:— Тәнад олөмыд —
Став челядьлы пример.
Тә лоан комсомолецон.
Тә — славной пионер!

Мед талун тәнад олөмысь
Зэв ыджыдтор оз сюр,
Тә велөдчан отличной,
А тайө вывти бур.

ШКОЛЬНОЙ СЕМЬЯН

Кыли ме: „Добро пожаловать!“
Встретити тадз менө югыд школа.
Пыри. Сэн учитель, кыдзи бать,
Индiс могьяс велөдчан выль волысь.

Сэссия содтiс:— Велөдчы, том пи,
Төдөмлунуд өтырыш мед содас,

Йозлы шудлун вылө вежөр да ён ки
Пөкөритасны мед скөр природа.

Төдөмлунуд — мортлөн вын да борд,
Кыз винтовка бойын, колө сійө,—
Төдчөдіс учитель, кызди ёрт,
Велөдчөмын быд бурсө мем сииг.

— Книга дінө сьөлөмсьыд пөсьлун
Сет, кыз Горький сетіс: зільлун пукты,
Ассьыд олантуй пыр ськөд мун —
Радейт книга, кызди медбур другтө.

Кутшөм рад мем босьтны төдөмлун
Тайө дружнөй школьнөй ас семьяын!
Некор, некор паметьысь оз вун,
Сиисны мый меным сәні талун.

ТУВСОВ РЫТӨ

Шонді дзевис дон чужөм,
Пырис шойччыны расө.
Рытиввылын со чужис
Алөй кыалөн асык.

Колис лун ыджыд уджыи —
Сьөлөм радейтчөм корө.

Вошö тöдлытöг мудзлун
Гажа гудöклөн горөн.

Шорлысь сёрнисö кывзам,
Вильыш котралö тöv көн.
Тшапа ветлам ми нывзон —
Юдор розъялö шöвкөн.

Кыз не радлыны миян,
Кыз не ветлыны тшапа,
Кодыр асланым киён
Талун сувтöдiм запань.

Зарни поскөн бур вöрыс
Паськыд юнымöс вуджис.
Радлун ветлö ми сьöрысь,
Эм кö удаллун уджын.

Ноко, панламöй гажсö
Мöдiг кузь шуда туйö.
Асья шондiйс, гашкö,
Аски пур вылын суас.

ГОЖСЯ АСЫВ

Чолöм кывсö асывлы
Ыстiс ывла — аддзылi:
Варов колиц — тельгöмөн,

Дзирдалан шор — сёльгөмөн,
Утка — тэрыб бордьясөн,
Лысва — югзян войтъясөн.

Чолөм кывсө асывлы
Ыстис ас сикт — аддзылі:
Тракторист — кызд гым горөн —
Пым моторлөн кывворөн.
Ытшкысь — первой покостөн
Туруна веж сён костын.

Чолөм кывсө асылыс
Ыстис йөзлы — аддзылі:
Уджын вермөм сиёмөн,
Медым миян киясын
Асывсянь да сёр рытөдз
Страдна уджыс споритчис.

ЗВЕНЬЕВӨЙ

Гөра-көдза, көть прополка
Муяс вылын паняс кор,
Петө Катя — комсомолка,
А сы бөрся — став звено.

Юргө песня, киссьө серам, —
Көні томйөз, сэн и гаж.

Ми ӧд уджсӧ дружнӧ керам,
Ӧнӧ кадус корӧ тадз.

Ми эг лэдзӧ, мед ёгтурун
Сюлысь юкис сёян пай.
Няньным миян быдмис бура —
Ӧти ёгтурун эз кай.

И колхознӧй ас му вылын
Воис славнӧй урожай,
Помтӧм радлун ми сэк кылӧм:
Ӧд ми буретш сетӧм сылы
Том пӧсь сьӧлӧмысь став жар.

Но, а мый жӧ миян Катя?
— Пыр на важмоз боевӧй!
Ошкӧ сійӧс председатель:
— Айда, славнӧй звеньевӧй!

Премируйтисны колхозын —
Юрас сьлӧн алӧй шаль.
Эм и Рӧдинасянь козин —
Би моз дзирдалысь медаль.

ТӦДА МЕ, СЮӦЙ...

Тӧда ме, сюӧй,
Кӧть и он висьтав,

Код тэныд шепъяс
Зарниысь кисьтіс.

Шонді тэд сетіс
Зарнисö тайöс.
Сöдз васö зэрлысь
Лунтöв тэд вайис.

Эбöслун босьтін
Матушка-мулысь...
Правда ме шуи? —
Юалі сюлысь.

„Бур пий, мыйла
Сёрнитан тадзи.
Зарниөн менö
Кышин тэ ачyd.

Сьöлөмсьыд пöсьлун
Ме пытшкö суйин.
Морт уджысь ставыс
Быдмö ас муын“.

КРАСНÖЙ ОБОЗ

Сикт кузя нюжöдчис краснöй обоз.
Став вынсö зэвтöмөн кыскöны вöвъяс.
Сьöктаыс няньлөн дзик зарнилөн кодь,
Аддзан, со синсьöмны телега пöвъяс.

Воддза подводаын пукало пред —
Сьёлөмыс радуйтчө, нюмъяло чужом:
„Дона подарок ми, Рөдина, тэд
Бара на дасьтим со асланым уджөн.

Мудз кө эг төдөй, кисьтим кө пось
Пемыдсянь пемыдөдз ыб вылын ставным,
Со локтис тай ми динө виччысян гөсть —
Выль урожай миян, сталинскөй, славнөй!“

Нимкодълун миян — краснөй обоз —
Дон сылысь быд мортлөн сьёлөмыс төдө.
Миян моз талун не өти колхоз
Шедөдис нянь вөсна тышын победа.

ВЫЛЬ СКӨТНӨЙ ДВОРЫН

Видзөдан да, быттьө школа, —
Выль колхознөй скөтнөй двор.
— Öд и мөсьяслы тшөтш колө, —
Шуө скөтница, — простор.

Кыз бур мам ас кага вөсна
Пуктө төждлун лун и вой,
Сидз жө — скөтница, мед мөсьяс
Унджык сетисны удой.

Радон сувтõмны бидонъяс,
Чукйõн кыпõдчõма йõв.
Да! Та мында йõлыд, зонъяс,
Миян некор на эз вõв.

Но, а выйыс, нõкйыс, рыськыс —
Ставыс лоõ, эм кõ йõв!
Ыджыд слава тэд, мõс лысьтысь,
Аттьõ трудсьыд унапõв!

Тырмас миян йõв быд кадõ,
Ыстам карõ — оз во пом.
Карын лоõны зев радõсь
Детскõй сад и детскõй дом!

ВЛАДИЛЕН КРЮКОВ

МОСКВА

Москва, тэ мирлөн гордость,
Отечестволөн мич.
Тан олө мудрой Сталин.
Тан уджавліс Ильич.

Москва! Мөд тэ кодь абу
Ни мичаыс, ни ён.
Тэ олін грозной кадө,
Кыз крепость-бастион.

Көть кусодны враг зіліс
Кремлёвской кодзув би,
Но лэптім Берлин весьтө
Победной знамя ми!

Чудесной кар — столица,
Көн славаыд оз кыв!
Оз прөста сывны уна
Тэ йылысь сыланкыв.

Тэ мездлун миян, олѳм,
Шуд вайысь зарни свет,
Ми ыстам тэныд чолѳм
Да биа пѳсь привет!

ЫЛЫСЯНЬ КОТѳРТЫСЬ ТѳВРУ

Ылысянь котѳртысь тѳвру
Оз нин мем тэ йылысь вашкѳд, —
Ас синмѳн тэно ме аддза,
Визув да сѳдз ваа Вашка.
Эштисны бойяс.
Бурдѳдам дойяс,
Дзоньталам жугѳдѳм овмѳс...
Рѳдина весьтѳ
Шондѳ пѳсь югѳръяс койѳ.
Примит вай гѳстьѳс.
Торъявлѳм, ветлѳ ме бойѳ.
Вои зэв ылысь, —
Сьѳлѳм тай кыскѳ тэ дорѳ.
Кыла ме — вылысь
Удж вылѳ Рѳдина корѳ.

ТЭРМАСЬ, УДЖАЛЫСЬ

Шондѳ вѳр сайысь чужѳмсѳ мыччис,
Кѳйис му вылѳ содзтырѳн эзысь.

Ловзис му, тувсов шондікөд кытчө
Петіс удж вылө сиктысь став йөзыс.

Шонді, пөсылунтө тэнсьыд со корө
Нэр том быдмөг колхозной град йөрын.
И эн вунөд веж видзьяс ю дорысь —
Мед и скөтлы тшөтш лоас бур көрым.

Лэчыд косаяс шарскөны, кылан?..
Турун мичаа радъясөн водө.
Тэрмась, уджалысь! Регыд му вылө
Ковмас петны тэд бара походөн.

Луныс талун зэв мича, зэв гажа.
Йөзлөн сьөлөм тшөтш өзйө удж жарөн.
Му нин вундысьөс виччысьө важөн,
Нянь со вөзйысьө пырны амбарө.

ЛОКТЫСЬ АСЫВ

Шонді унзіль синсө кунис.
Рытиввылын — шөвк гөрд сунис.
Шонді шойччөг вылө пырис—
Ворсөм кусіс, сьылөм бырис.

Важөн кывтіс

Гажа лун.

Муяс вывті

Ветлө ун.

Асыв локтѡм йылысь кыліс,
Воши тѡлысь, быттьѡ сыліс.
Асыввылын кыа ѡзйис.
Локтысь асыв шудлун вѡзйис.
Пуяс сайысь
Петны пондіс
Шудлун вайысь
Би гѡрд шонді.

МЕЧТА

Ті вöвлід сэн?
Дерт жö, энö...
Лöз паськыд Эжва дорын дзик
Ю весьтö кыпöдчöма нöрыс,
А нöрыс йылас—Чоййыв сикт.
Сэн менам öти тöдса олö
Колхознöй опытник—дзор дед,
Кöть кор тэ сы ордö эн волы
Выльторйөн тöдмасьтöг он пет.
Эм сылөн водздзык быдтöм сортъяс
И тöдсайсь не сöмын гортас,
Но та вылын оз ланьт тай мортыс:
„Мый,— шуö,— важыд! Ме жö кöсья
Дзик виль сорт выведитны тан,
Морозысь повтöм шобдi быдта,
Тi кывлiнныд, виль сорт— „Мечта“.
Секретыс шобдiыслөн таын,
Мый сiйö воас и Ухтаын
И кöдзыд войтöвлы оз сетчы.

Ме тōда: войвывса колхозъяс
„Мечтасō“ кōдзасны тшōтш менсьым“...
Дед ачыс мусō гōрō-лэптō,
А сэссия быдтō сьōкыд шепъяс.
Дзорлунысь еджыд, гожйысь сьōд,
Тетрадь да карандаш пыр сьōрас:
То лунтыр арталō шеп лыд,
Ёгтурунъяссō нетшкō скōрысь;
То видзōдō, мед шобдi тусь
Оз кызкō шепсьыс бокō усь;
То видчō, нянькōд спорō волō:
„Кыз, — шуō, — тiянōс он вид,
Со быдмид метр да джынйысь вылō,
А нōшта шусьянныд — гибрид!“
Оз тōдны некутшōм ѓбида
Да юрнас ѓвтчōны гибридъяс,
Ѓд дедыс налы друг да врач
Да и творецыс налōн сiйō.
Эз этша уджав дедō тан,
Кор быдтiс татшōм нянь ас киōн.
Дед эскō аслас опыт вылō,
„Мечталысь“ кышōдчōмсō кылō.

И ме тшōтш ѓнi эска сылы,
Мый дедō быдтас татшōм нянь,

Колхозник сійö делö вылас
Быд академиклы рöдня,
Кöть олö насянь вывті ылын,
А сэтшöм жö рöднöй му вылын...
Ті вöвлід сәні?
Дерт жö, энö...
Лöз паськыд Эжва дорын дзик
Дед-опытниклысь медся первой
„Мечтасö“ кöдзас Чоййыв сикт.

ЗВЕЗДАЯС ЙЫЛЫСЬ

Кутшöм праздник
Сиктö воис,
Весиг дедлы
Гажа лоис.
Пöрысь мортлөн
Нюмыс петö...
Мый нö, мый нö
Лоис сэтөн?..
Кутіс сёрнитны
Старик:
— Менсьым кывтö
Он öд пык...
Да тэ
Гөгөрвоан он,
Кутшöм

Ми вокыслы дон?
Выль Указсõ
Лыддин эн?
Миян йылысь
Эм тшõтш сән!
Да, Герой
Кум Егор!
Тэ, ме тõда,
Лэптан спор,
Шуан:
„Дед лэптис шум,
Мый Егор
Сылы кум?..“
Звеньевõй Егорыд
Босьтчис
Да и комын центнер
Босьтис
Гектар вылысь
Зарни нянь, —
Тайõ, дерт жõ,
Вывти шань.
И Указас,
Медся вылын,
Зõлõтõй Звездаыс
Сылы...
Менам аслам
Внук Герой.

Зонмыс лётчик,
Збойсьыс-збой:
Ме пö босьтi
Енэж шöрысь
Зёлöтöй Звездатö
Сьöрысь.
Мый нö, ме öд,
Кöть и дед,
Верма
Висьтавны öтвет:
Енэж шöрысь, шуан?—
Бур!
А сась кö
Миянлы оз сюр?..
Мыйла енэж вылысь?
Кор
Мусьыс босьтiс
Кум Егор!

ПЕЧОРСКÖЙ ЗАТОНЫН

Ланьтöма тöлыс, но кöдзыдыс ён,
Водз асылын садьмö печорскöй затон,
Кымöра енэжыс надзöник югдö,
Асылыс пемыдсö венö.
Заводскöй гудок кыпыд шыясөн юргö,
Удж вылö мöдöдчö смена.

Вылъ навигация воас он төдлы —
Тулысыс восьтас васё.
Колё сэк лоны быд парходлы
Рейсьясё петны дасьён.

„Заря“ парход вылысь дзор капитаныс
Рубкаын мөлөтөн тотшкё,
Асылыс водз на, но сійё нин тани
Виччысьё мукөдлысь локтём.
Мөвпалё, кыз эськё пуктыны уджсё,
Первенство медым не сетны.
Нюммунас, нетшыштас йиторъяс усьыс:
— Полный! Ми медводзё петам!
А син водзас сулалё шондиа тулыс,
Буксирыс Печорасё вундө.
И кыпөдөм вымпелкөд фок-мачта йылын
Мелиа ворсөдчө лунтөв...

Локтысь командакөд ловзё буксирыс:
Затон пасьта югөрсё сьавкйиг,
Шпангоутъяс* бердө көрт листьяссө вурө
Томиник электросварщик.
Черлөн матрос кийн кык мында доныс —
Каюталөн пытшкөсыс вежсьө...

* *Шпангоут*—судно остовын поперечной брус, кодй
являйтчө основаин обшивайтём вылө.

Лосьодчõ дугдывтõг ставнас затоныс
Выль навигация кежлõ.

Техникум классьясын быдмысь речникьяс
Лекция кывзõны сюся.

На син водзын воссьõ Печоралõн книга
Сюрс километраяс кузя:

Кыз тõдмавны, кытõни эм перекачьяс,

Кыз пемыдын корсьны фарватер,

Кыззи войын буксирьясõн катны, —

Висьтавлõ преподаватель...

Сэк, кор затонын ремонтнõй бригада

Дасьтõ буксирьяслысь радьяс,

Том поколение велõдчõ татõн —

Быдмõны штурманскõй кадрьяс.

Рытнас чертёжьяс да книгаяс сайын

Оз узьсы, кõtь кадыс и сёр нин:

И водзланьõ нуõны смелõй мечтаяс,

Ёртьяслысь думьяс да сёрни.

Мечтаяс, кыз лунысь-лун олõмыс мичмас

И Коми республика вежсяс,

Кор кымынкõ во мысти õтлаõ йитчас

Печоракõд, Камакõд Эжва.

Сэк кыптасны мощнõй плотинаяс, шлюзьяс

Да лэптасны юыслысь васõ,

И ён теплоходьяс выль ва туйыс кузя

Модасны Каспийөдз тасянь...

А ывлаын бара нин шутьлялө тöлыс,

Лым толаяс джуджыдöс лэптö.

И кымөръяс вевдорті гöгыльтчысь тöлысь

Скупа зэв югöрсö сетö...

Но вой кöть и тöла и кöдзыдыс ён,

Уджалö трудолюбивöй затон.

ВОГӨГӨРСЯ КАД

1. Тулыс

Шондi быд лун кутiс качны
Вылö-вылö.
Пышйис сьлөн төвся унмыс
Ылö-ылö.

Юыс польдiс ытъя ванас,
Вывлань кайис.
Бара тулыслы гимн сьылö
Колипкайыс.

Ваö келöмаöсь пуяс —
Кыз да пожöм.
Найö виччысьöны гөстьöс —
Шоныд гожöм.

Со колхознöй муыс лэптö
Паськыд морöс.

Аддзан, бара нин ас дінас
Тэнö корö.

Мыйта гажлун ывла вылын —
Бытьö праздник!
Муяс выlö сьылігтырйи
Петім асьным.

Зарни кöйдысөн колхозным
Муяс кöдзис.
Агроном сөветъяс серти
Ставсö вöчис.

Дружнö кутчысим ми ставөн
Выль удж бердö.
Тöдам, миян тувсов луныс
Во чöж вердö.

2. Гожöм

Зарни шонді, бытьö ышмис,
Ёна пöжö.
Быдмөг лунысь лунö аслыс
Сокъяс чöжö.

Видзвыв вежис асьыс паськöм —
Быдмис турун.

Войтыр кийн пелька ворсö
Коса-кураң.

Пукала косилка вылын,
Сярга-ытшка.
Сяргöм шысьыс кыла шудлун
Сьöлöм пытшкын.

Зиля куртам веж кос турун,
Зорöд тэчам.
Мöслы, вöвлы кузь төв кежлö
Кöрым вöчам.

Ыбын вылö лэптис юрсö
Кисьмöм рудзöг.
Он кө кок чунь йылад лэптысь,
Шеп он судзöд.

3. Ар

Шондi оз нин ассьыс югöр
Соддзöн кояв.
Видзьяс куйлöны дзик чöлöсь —
Ар нин воис.

Сулалöны, быттьö стройын,
Уна зорöд.

Вундыны со зарни сюыс
Ыбõ корõ.

Медбõръяысь видлі жнейка,
Ыбõ кайи.
Колõ тәрмасьны: оз виччысь
Урожайыс.

Ывла руд, но сьõлõм õзйõ
Радлун биõн.
Тыртис йõртõдъяс амбарысь
Арным миян.

Дзонь обозъясõн бур сюным
Складõ кывтõ.
Няньсõ сетим ми страналы
Планысь вывти.

4. Тõв

Шоча петавлõ вõр весьтõ
Дышмõм шондi.
Дыр оз серав ланьтõм вõркõд —
Узьны пондiс.

Вата моз жõ вевттис вõрсõ
Пух кодь лымйыс.

Кытчө усйысисны өнi
Чардыс, гымыс?

Мезень ю вылө веж көдзыд
Дорис посъяс.
Измөм мусө тупкис лымйыс,
Эз коль костьяс.

Ыбыв уджыс ставыс эштiс —
Гөгөр чөв-лөнъ.
Юж туй кузя рөдтөм шыыс
Кывлө вөвлөн.

Ягын водзмөстчөны уджын
Зонъяс, нывъяс.
Налөн делөыс оз торъяв
Сетөм кывйысь.

Гажа удж тан ключөн пуө,
Трактор мургө.
Электропилаяс шыөн
Вөрыс юргө.

СИКТСА СТАДИОН

Быдтор вөчө мян томйөз.
Уджын сьөлөмъясным ломзьө,
Быдөн востер, ён.

Томлун гажодчө да ворсө.
Сиктын спортлы туй ми корсим —
Вөчим стадион.

Сийө шылькнитчис квадратөн,
А сы гөгөр пуяс радөн
Сувталісны тшем.
Спортплощадка вөчим сэтчө:
Кузьтаног көть судта чеччав,
И турник сэн эм.

Кыкысь вежонын футболөн
Ворсны орчча сиктысь волө
Томйөз сылігтыр.
Победитны быдөн көсьям,
Первой места босьтөм вөсна
Тышкасьлам вель дыр.

Тадзи сиктса быд том мортлөн
Крепыд дружба пансис спорткөд.

ЮРИЙ САМАРИН

МУЯС ВЫЛӨ ПЕТИГӨН

Талун чеччи ме водз асъя часын;
Ыркыд сынӧд вӧлі ю кодъ лӧз.
Кутшӧм кыпыдлунӧн тайӧ асыв
Встретитисны миян сиктса йӧз!

Быттӧ ыджыд праздник сиктын лоис,
Талун том и пӧрысь — быдӧн рад.
Тайӧ „Партизан“ колхозлӧн воис
Паськыд ыбъяс вылӧ петан кад.

Ӧзйӧ знамя председатель киын,
Тувсов тӧвсӧ чолӧмалігтыр,
Миян дружной уджлысь туйсӧ сійӧ
Гӧрны-кӧдзны петіг пасйӧ пыр.

Мегыръясын лентаяс, кыз бордъяс,
Тӧвкӧд ворсіг ӧвтчӧны быдног.
Медводз пета, некод мед оз ордйы:
— Тәрмась, тәрмась, менам Лысанко!

Тэкѡд первой бѡрѡзда ми мунам,
Зілям юкны уджлысь ыджыд пай,
Медым тайѡ гѡран тувсов луныс
Во чѡж кежлѡ ваяс урожай.

КОНЮХ

Шуткаѡн пѡрысьяс шулѡны сідз,
Нимкыв пѡ Елесь дед тѡдѡ,
Видзѡдтѡ, вѡвъясыс бордъяѡсь дзик,
Тыр доддѡн чибкоыс рѡдтѡ...

„Некутшѡм нимкыв дзик, другъяс, оз ков, —
Вочакыв шуыштас Елесь. —

Пуктан кѡ удж вѡсна сьѡлѡм и лов,
Лючкия мунас быд делѡ“.

Радейтѡ вѡвъясѡс дзор Елесь дед,
Лунтыр конюшняын ноксьѡ,
Некор лѡк кывсылѡн вомсьяс оз пет,
И уджсьяс он аддзывлы лѡксѡ.

Мичаѡсь, бурѡсь быд вѡв и быд чань:
„Смелѡй“, „Ретивѡй“, „Примернѡй“.
Быд вѡсна тѡждлуныс Елесьлѡн шань:
Чиститѡ, юкталѡ, вердѡ...

Конюхъяс волѣны сы дорѣ век,
Корѣны сылысь сѣветъяс.
Томйѣзтѣ велѣдны абу пѣ грек, —
Быдѣнлы индѣдъяс сетас.

Ас уджысь дѣнзыны Елесь оз куж,
Тѣдѣ: колхозник бур вѣлѣн
Кык мында вѣчас быд ѣтувъя удж
Видз вылын, ыб вылын, вѣрын.

ГЕННАДИЙ ТРЕНЕВ

ДИПЛОМАНТ

Комната өшиньөд өвтыштө тулыс
Рытъявыв ыркыдөн, льём дзоридз дукөн.
Сад йёрын кылө скворец мыйкө сылө,
Петкөдлө йёз воздын ассыс талант.
Ватман лист вылын зонкалөн ки улын
Визь лыдыс содө чертёжын быд здукө:
Тракторной туйяс выль мехлесопунктлы
Тан проектируйтө том дипломант.

Радлунөн ыпъялө том мортлөн чужём,
Лёз рёма синъясын тыр вдохновенье:
Регыд, дипломной удж сдایتөм бёрын,
Уджавны техникөн матыстчас кад.
Сэки став кужёмлун вёрлэдзан уджын,
Воля, победаяс дорны стремление
Коми республика ягъясө ваяс
Том командирьяслөн славной отряд.

ШОФЕР

Яр туроб помтог гартчо дурмом вынон,
Здук кежло лымчирьяслы пуксыывны оз сет.
Дзор парма шувго... Туй вывти машина,
Лым тола веніг, кольо километр.

Долг йывсьыс шофер гогорвоо бура:
Ворлэдзан уджын дона зэв быд час.
И сийо нуас — туроб век коть дурас —
Электростанциялы вывти колан часть.

Туй лесопунктодз водзын абу дженьыд,
Лым шкваллы паньыд скора мурго „ЗИС“.
Крут норыс кайиг сотчис друг сцепление,
Но зонлон сьолом пытшсьыс эз кус би.

Кын корт коть чушкис маслоссьом кияс,
Эз сетчы шофер — нуодис ремонт.
Отвага выло дась быд здукин сийо —
Эз проста би пыр, ва пыр вудж том морт.

Кор лесопунктын зонмос сьокыд туйысь
Встречайтисны ворлэдзысьяс, парторг,
Пось аттьо выло вочавидзиг шофер шуис:
— Од менам тайо — комсомольской долг!

ОТЧИЗНАЛӨН РӨВЕСНИК

Ме шуда морт — Отчизналөн рөвесник,
Встречайта ськөд комын өти ар;
Ме сиа сылы ассьым тайё песня,
Став медбур делёяс и сьёлёмысь став жар.

Сы динё муслун некодыр оз көдзав;
И, ассьым славной туйёс мунигтыр,
Быд удж ме бура, нимкодпырысь воча,
Мед Рёдиналысь честьё видзны пыр.

Дзик некөн абу тэ кодыс свет вылас,
Тэ өтнад дона мем, рөднөй советскөй му,
Та вёсна пыр ме вынёс ассьым кыла
И сьёкыд водзын бөрланьё ог мун.

Кыз тувсов төлөн гыалё том роца,
Сидз шпорөдчөны талун уна стяг.
Ме муна сэтчө, көни Краснөй площадьь,
И став странакод өтлаода шаг.

Мед туйным сьёкыд — мунам сэтчө ставөн,
Көн коммунизмлөн вощё югыд лун,
Ми водзвылын победнөй знамя — Сталин,
Народъяслөн учитель, вождь и друг.

ПАНТЕЛЕЙМОН ПОПОВ

СО БАРА ТУЛЫС

Со бара тулыс — гажа кад
Выль радлун вайис сьёлём вылө,
И мелі шыён ловзис сад,
Сэн лэбачьяслөн дзользьём кылө.

И мича дзоридзалө льём
Том кызьяс пөвстын, веж сад йöрын,
Сэн ворсігмозыс вильыш төв
Том пуос окалө сепөрийө.

Ас мусö радейтысь скворец
Зэв пöся тулыс йылысь сьылө.
И пані сыланкыв ме тшөтш
Колхозной тувсов уджъяс йылысь,
Кызд öзим вевттьö паськыд йөр,
Ыб вылын уджлөн шы кызд кылө,
Кызд талун бара ид да зөр
Ми көдзим шоналём му вылө.

Колхозной муяс вылын кор
Ме гора вына стальной вӧлӧн,
Ас пытшкысь кыла ӧтитор —
Кыз ыджыд шудысь тӧпкӧ сӧлӧм.

Удж вылын ӧзтӧ рӧднӧй му
Ас динас менсьым помтӧм муслун.
Ме тӧда: некор тайӧ шуд
Том сӧлӧм пытшкысь оз нин куслы.

АСЪЯ КАДӦ

Бара^тшонді мӧдіс резны
Ассьыс зарни югӧр.
Гажа лои садьмӧм грездын,
Ставнас шызис юдор.

Эзысь ю веркӧссӧ тӧвру
Серӧсьтіс, сэт ветліг,
Берег дорысь Эжва шӧрлань
Петіс тэрыб ветки...

Лэчыл косаясӧн сӧнти
Вуджӧны том зонъяс,
Налы пуяс весьтсаянь шонді
Зарни койис сӧнас.

Шумон тыри асыя сынод
Паськыд Эжва дорын.
Ытшкан машиналон шыыс
Кылө сәни гора.

Уджын зильомыс томйөзлөн
Сьөлөм вылө воис.
Ыджыд көсйөмөн тшөтш өзйи,
Ытшканинас воиг.

Төда: менам зумыд кияс
Уджьясысь оз повны.
Сөмын уджалігөн мортлы
Медся долыд овлө.

РЕГЫД ЫВЛА ГАЖӨН ЛОӨ ТЫР

Регыд ывла гажөн лоө тыр.
Мыччысьө нин кыа асыввылын.
Рад ме петны ыбө пырысь-пыр,
Жнейкалөн көн сяргом шыыс кылө.

Асыя шонді разодас тась ру,
Синьяс водзө мича серпас воссяс!
Бытьө море, шыльквидзө сю му,
Пара вөвлысь аддза тэрыб восьлас.

Жнейка сайын пукалõ том зон,
Чужõм вылас ворсõ югыд радлун.
Кымын ныв сән, — быдõн зиль да ён,
Йиасьõны ставныс õти радын.

Удж оз лõньлы, ключõн пуõ пыр,
Часысь часõ джудждаммõ выль сёрõм.
Йõзлõн сьõлõм нимкодълунõн тыр,
Ме тшõтш радла талун томйõз дорын.

МЕЛЬНИЧАЫН

Мельничаõ асывводз
Том колхозник пырис:
— Изны вои. Позяс оз?—
Шуис нимкодълпырысь.

— Дзик пыр рекмас изан кõш, —
Мельник чеччис паныд. —
Верман кисьтны дорõн тшõтш...
Пыртлы. Кõни няньыд?

Пыр жõ мельничаõ зон
Додьсьыс няньсõ пыртлис,
Мешõкъясõн гõгõрбок
Изõдчанн тыртис.

Мельник шутитны зэв лют:
— Мый тэ, шуё, лоин?
Али изёдчыныд, друг,
Арбыд кежлө воин?

Сэссия кёшысь видліс нянь:
— Зарни быттьё, суюд!
Да, зон, кутшөм бур да шань
Ас колхозной муыд!

Мельник нимкодясис дыр:
— Бур во воём тэныд!
Дерт өд, кёнкё, мешөктыр
Эм жё трудоденьыд?

— Ачыд төдан: сёмын труд
Бытё татшөм няньтё.
Муыд сылы сетё шуд,
Уджын код оз ланьтлы.

— Коді нё оз радейт труд?
Мельник вочавидзё.—
Весиг мельничалөн пруд
Оз ов уджтөг — изё.

Унджык изёдчантё вай,
Примитны зэв радёсь.
Буретш ёні мем страда,
Тайё арся кадыс.

САЛДАТ БӨР УДЖАЛӨ КОЛХОЗЫН

Лөз енэж пасьтаыс дзик му,
Зэв ылөдз вешйөма веж вöрыс.
И быттьö ойдо сьöдов ю —
Тадз кольö муыс трактор бöрысь.

Збой, долыд синъяса том зон
Оз эшты видзöдлыны боkö.
Машина сьлөн — сложнöй, ён,
И кывзысьö тай, и оз лёка!

Зэв чöскыд сынöдыслөн көр,
Пельк жаворонок сьылиг качö...
Но код нö гөрö колхоз йөр?
Дзик быттьö аддзысьлим ми!.. Часлы!

... Ростовын муніс смертнöй бой.
Кар ставнас ыпъяліс жар биын,
Снарядъяс поткөдлісны вой.
Разрыв... и танкным сувтіс мяян,

Көть киссис пуля шер, збой морт
Люк восьтліс, жугаломсё дзоньтіс...
И быттё бара танкын ёрт,
Дай уджас мыйкё эм тшётш фронтсьыс.

Он синнад судз тэ мулысь от,
Но фронтовиклөн мудзтём кыис...
Код вёчис Эльбаодз поход,
И уджъяс вылын водзын сійё.

Мед кышодчас кузь шепта сю,
Мед лоё Рёдинаным озыр,
Со видзод, гөрё тувсов му,—
Салдат бөр уджалё колхозын.

ЧУЖАН МУЫН

Дзоридзалё вёлі муным
Ыджыд гажа садйён.
Взрывъяс гымён, война шумён
Локтіс сьёкыд кадыс.

Муса Рёдинаным весьтё
Водіс пемыд вуджөр,
Лютёй враг кор мян муё
Сьёд орданас вуджис.

Мед эз пемды миян олём,
Дзирдаліс мед шонді,
Смертнѳй тышѳ петім ставѳн
Рѳдина-мам понда.

Чегим зверлысь сюрсалысѳ.
Оз нин шутьляв пуля.
Лэптѳ стенъяс Сталинградын
Каменщик зэв зіля.

Бара кыпѳдчис плотина
Ызгысь Днепр ю вомѳн.
Кисьтѳм местаѳ со сувтѳ
Важсьыс ыджыд домна.

Сотчѳм кар со выльысь кыптѳ,
Ѳдйѳ, быттьѳ мойдын.
Войыс лун кодъ лои сиктын —
Югыд биѳн ойдіс.

Дружнѳ стрѳитѳны миян
Ѳтвывтчѳм народъяс
Школаяс, дворецъяс, клубъяс,
Кѳрттуйяс, заводъяс.

Уджлысь, гажлысь сыланкывъяс
Тѳлыс бара нуѳ.
Ыджыд олём, шуда олём
Миян муын пуѳ.

МОРСКОЙ ДЕСАНТ

Веж быгъя, усьласьё мисьтём съод гы.
Помтём скёр мореыс пуё.
Йиркөдө, гримөдө бушковлөн шы.
Вал бөрся вал төлыс нуё.

Гыяссө вундө морской пароход.
Пушкаяс чөлөсь сэн грөзөн.
Букыша өшалө енэжлөн свод.
Палуба тырөма йөзөн.

Тайө — морякъяс, десантнөй отряд,
Мунам ми вражеской портө.
Матыстчө берегө уськөдчан кад.
Кар кыптис рытывладорын.

Пуркнитис би-тшынөн берегдор вөр,
Сюръяөн веж ваыс качис.
Крейсерлөн вочакыв пөсь вөлі, скөр,
Залпъясөн гымалис ачыс.

Гыалө сола ва, көдзыд — нач йи,
Тушатө чеплялө, сотө.
Голяөдз ва пытшкын келамө ми,
Пулялөн шутьялөм содө.

Сыркалѡ, тѣралѡ изъя крут кыр —
Швучкѡны ѣн гыяс сэтчѡ.
Гыясысь петѣм ми берегвыв тыр —
Котѡртам, усьлам и чеччам.

Юрѡбтѣс вынѣѡра русскѡй „ура“,
Чегсьѡдѣс врагѡс штык югѡр.
Сьѡлѡмным биа, кѡть паськѡм и ва,
Бергѡдѣм немецѡс гугѡн.

Бой вѡлі дженьыд, но пуана, яр.
Карын нин якѡра лента.
Бара ми немецысь мездѣмѡ кар.
Краснѡй моряк сѣйѡ — вентѡм!

ИВАН ПАРНАЧЁВ

ВУНОДТОМ ПОДВИГ

Фашистскöй кытшö сюрис воин,
Сöветскöй Рöдиналөн пи.
Кöть кыз, а петны колö бойөн,
Том сьолём öзий, кызди би.

Враг көсийö ловйөн босьтны сийöс,
Мед нуны штабö ценнöй „кыв“.
„Оз ло, дерт, сідз! Мед лучше виас
Геройскöй смертълөн топыд сыв“.

„Лимонка“ лэбис враг юр вылö,
Здук мысти кыліс чорыд взрыв,
Лёк горшён ойзём-лөвтём кылö,
Сьод шойөн вольсассьö эрдвыв...

Геройлөн ранитчёма кыис,
Бан кузя лэччö алöй вир.
Враг век на эм, көть уна виис,
Пыр топöдö лёк кытшө зверь.

„Пеж гадъяс! Менö босьтны ловйöн
Он вермöй некодыр дзик, он!
Сьöд виртö уна на зэв ковмас
Ме вöсна кисьтны, дурмöм пон!..“

И водзö сйö шырё врагöс,
Сы морöс пытшкын пуö мечь.
Тадз тшöктö воинскöй присяга,
Сöветскöй Армиялөн честь.

Но пуля сотыштис смел сьöлöм,
И уси миян том герой...
Эз прöста сйö сет шань олöм—
Враг колис комын сайö шой.

Мед куйлин враг водзын тэ ловтöг—
Век вöлин сылы ыджыд грöз.
Кöть кулин тэ, но тэнсьыд подвиг
Оз вунöд нэмъяс миян йöз.

ВЫЛЬ МУ

Тан вöвлі нюр, сьöд му кыз пластөн көні
Пу вужъяс улын куйліс уна нэм,
Веж эшкын нюрлысь кулыштöма öні,
Колхознöй пашня шылькнитчöма сэн.

Пыр тасянь ылысмис сьод вөрлөн шувгём,
Эрд зырис вөрсө — муяс пом ни дор;
Вөр пыдди трактор лун-лун тані жургө,
Тшөтш ськөд сьылө уджлөн вына гор.

Зэв ыджыд радлун сьөлөмысь ме кыла,
Кор аддза, мый сэн няньыс быдмө тшем,
Му весьтын кодыр гажа колип сьылө
Да зарни шепъяс копрасьоны мем.

Ми бура сійөс небзьөдім да көдзим,
Ас уджлысь сетім сылы ыджыд пай.
И төдам, уджсө сьөлөмсянь кө вөчим,
Дерт, сталинскөйөс босьтам урожай.

ВӨРСА УЗКОКОЛЕЙКА

Тані важон шувгис нора
Пемыд парма пом ни дор.
Өні вөрлэдзан удж сорыс
Юргө паровозлөн гор.

Нюръяс вомон вуджө көрттуй,
Рельсыяс вөнялөмны вөр.
Мунө поезд парма шөрти,
Кыскө өтырышъя кер.

Ягын уджалөны войтыр,
Юргө кыпыд уджлөн шы,
Гөгөр йөлөга сэт войлө,
Бытьтө моревывса гы.

Сэни, тані гажа ягын
Ыджыд шумон пөрө пу.
Вөрсa көрттуй дорын матын
Кывтө лөзов Сыктыв ю.

Поезд вайё берег дорё
Уна керъяс лунысь-лун.
Вёрсё Рёдинаным корё.
Сетам! Миян мог оз вун!

ВӨР ДЕЛЯНКАЫН

Еджыдик эшкынён шебрасис му,
Рамджыкёсь лоины сёлаяс, таръяс.
Кыз йиён тупкыссис визуван ю.
Көдзых төв матыстчис войвылө бара.

Ю дорын, вөр бердын тыдалө тшын,
Кыпөдчө трубаяс весьтын и сылө...
Ягас тан уджалө томйөз — ён вын, —
Пөрөдчөм, пилитчөм гөгөрбок кылө.

Грымөдө — кыскө вына көрт вөв
Кер тыра додьяссө катище дорё...
Удж шыяс новлөдлө кокныдик төв,
Гажөдө вөр-васө йөлөга горөн.

Төдам ми шпалъяслысь, керъяслысь дон,
Төдам — странанымлы уна вөр колө.
Сийён и вевтыртө нормасө зон,
Пөрөдчө, увйысьө зэв кыпыд лолөн.

Шурыда уджалӧ томиник ныв,
Олӧмӧ пӧртӧ выль пятилетка...
Юракыв на йылысь, выль сыланкыв,
Лӧбзы жӧ, кызди том бордсялӧм пӧтка.

ОГЛАВЛЕНИЕ

Дм. Конюхов. Первойя воськовъяс 3

Борис Палкин

Вождылѳн портрет	7
Став бурис уджын чужѳ	8
Сѳветскѳй Армиялы	9
Водзын мунысь томлун	11
Ас йылысь мый ме висътала?	12
Школьнѳй семьяын	14
Тувсов рытѳ	15
Гожся асыв	16
Звеньевѳй	17
Тѳда ме, сѳй	18
Краснѳй обоз	19
Выль скѳтнѳй двoryн	20

Владилен Крюков

Москва	22
Ылысянь котѳртысь тѳвру	23
Тѳрмась, уджалысь!	—
Локтысь асыв	24

Генрих Надеев

Мечта	26
Звездаяс йылысь	28
Печорскѳй затонын	30

Альберт Ванеев

Вогөгөрся кад	34
Сиктса стадион	38

Юрий Самарин

Муяс вылө петігөн	40
Конюх	41

Геннадий Тренев

Дипломант	43
Шофер	44
Отчизналөн рөвесник	45

Пантелеймон Попов

Со бара тулыс	46
Асья кадө	47
Регыд ывла гажөн лоө тыр	48
Мельничаын	49

Александр Матвеев

Салдат бөр уджалө колхозын	51
Чужан муын	52
Морской десант	54

Иван Парначёв

Вунөдтөм подвиг	56
Выль му	57

Егор Торопов

Вөрса узкоколейка	59
Вөр делянкаын	60

Обложка и титул, худ. М. БЕЗНОСОВА.

МОЛОДЫЕ ГОЛОСА

*Сборник стихов
молодых авторов*

На коми языке

*


Отв. редактор *Дм. Конюхов.*
Техн. редактор *И. Оплеснин.*

*

Ц 03184. Заказ № 2016. Тираж 4000 экз.
Подписано к печати 26-ХІ 1949 года.
Печатных листов 2. Уч. изд. лист. 1,5.
Цена 2 руб. 50 коп.

*

Отпечатано в Республ. типографии
Коми АССР, г. Сыктывкар,
Дом печати.



Доныс 2 ш, 50 көп.

Коми АССР-са
Советской писательской
— С О Ю З —

С О Ю З
Советских писателей
Коми АССР

_____ 19 ____ г.

№ _____
г. Сыктывкар, Коми АССР